

Obavijest o Odluci visokog predstavnika da ukinе zabranu izrečenu Rasimu Šahinoviću Odlukom visokog predstavnika od 29. studenog 1999.

Svojom Odlukom od 29. studenog 1999. godine, ("Odluka iz 1999. godine"), visoki predstavnik je smijenio sa javne dužnosti gospodina Rasima Šahinovića. Navedenom Odlukom također je zabranjeno g. Rasimu Šahinoviću obnašanje bilo koje službene, izborne ili imenovane javne dužnosti, kandidiranje na izborima i obnašanje dužnosti u političkim strankama ("zabrana"). Odlukom iz 1999. godine je dalje izričito utvrđena mogućnost ukidanja zabrane prema isključivom nahođenju visokog predstavnika.

Na temelju pažljivog razmatranja predmeta g. Šahinovića i nakon što je zaključeno da više ne postoje razlozi za njegovo smjenjivanje, te da on više ne predstavlja prijetnju za provedbu mira, institucionalnu cjelovitost odnosno demokraciju u Bosni i Hercegovini, odlučio sam da ovu zabranu ukinem, u ovisnosti o ograničenju utvrđenom dalje u tekstu.

Rasim Šahinović neće obnašati nijednu ministarsku dužnost na bilo kojoj razini vlasti do završetka mandata za visoke predstavnike ili dok sadašnji odnosno budući visoki predstavnik drugačije ne odluči.

U ovisnosti o ovom ograničenju, Rasimu Šahinoviću se ovim izričito dozvoljava obnašanje javne dužnosti.

Ovakav ishod opravdavaju načela pravednosti, pravilnog upravljanja i razboritog ispunjavanja međunarodnog mandata

visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne dovodi se u pitanje validnost Odluke iz 1999. godine. Ovom Odlukom se ne ovlašćuje g. Šahinović da se automatski vrati na dužnost sa koje je smijenjen na temelju Odluke iz 1999. godine. Također, ovom Odlukom, njemu se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubio kao rezultat Odluke iz 1999. godine.

Ova Odluka ne predstavlja amnestiranje nego prospektivno ukidanje Odluke iz 1999. godine. Odluka iz 1999. godine se ne briše i ostaje kao sastavni dio zakonodavne evidencije Bosne i Hercegovine.

Ovom Odlukom se ne utječe na pravo visokog predstavnika da ponovno smijeni g. Šahinovića ukoliko se ustanovi da je isti, tokom budućeg obnašanja javne dužnosti, prekršio svoju prisegu da će poštivati Ustav Bosne i Hercegovine i postupati sukladno Općem okvirnom sporazumu za mir u Bosni i Hercegovini, prisegu koja je slobodno data kao uvjet koji prethodi ukidanju zabrane.

Ukoliko su odredbe ove Odluke u suprotnosti s domaćim zakonodavstvom vezano za bilo koji od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom se deklarativno obuhvaćaju postojeće i buduće odluke visokog predstavnika.

Ova Odluka stupa na snagu odmah i ne zahtijeva poduzimanje nikakvih dodatnih proceduralnih radnji.

Ova Odluka se objavljuje odmah u "Službenim novinama Federacije Bosne i Hercegovine".

Sarajevo, 4. studeni 2005.

Paddy Ashdown

Visoki predstavnik